



玉臺新詠卷十目錄

陳東海徐陵編

古絕句 四首

賈充

與妻李夫人聯句

孫綽

碧玉歌 二首

王獻之

搗情人桃葉歌 二首

桃葉



林荅團扇歌 三首

謝靈運

王東陽漢中贈荅 二首

宋孝武

蘇丁督護歌 二首

許瑤

曹擬自君之出矣

詠神榴枕

閨婦荅隣人

鮑令暉

寄行人

近代西曲歌

石城樂

估客樂

烏夜啼

襄陽樂

楊叛兒

近代吳歌

春歌

夏歌

秋歌

冬歌

前溪歌

上聲歌

歡聞歌

長樂歌

獨曲歌

近代雜歌

尋陽樂

青陽歌曲

蠶絲歌

雜詩

丹陽孟珠歌

錢塘蘇小小歌

劉義恭

擬自君之出矣

湯惠休

楊花曲

張融

王別詩

王融

少年子

陽翟新聲

擬古

擬自君之出矣

秋夜

詠火

謝朓

玉階怨

金谷聚

王孫遊

同王主簿有所思

春遊

虞炎

玉階怨

邢邵

思公子

梁武帝

邊戍

詠燭

詠筆

詠笛

詠舞

聯句詩

春歌 四首

夏歌 四首

秋歌 四首

冬歌 四首

子夜歌 二首

上聲歌

王粲詩卷目録

四

歡聞歌 二首

團扇歌

碧玉歌

襄陽白銅鞮歌 三首

梁簡文帝

雜詠

行雨

梁塵

華月

採菱歌

王粲詩卷目録

五

夜夜曲 二首

從頓還城南

春江曲

新燕

彈箏

夜遣內人還後舟

詠武陵王左右

有所思 三首

遊人

贈麗人

遙望

秋閨照境

金閨思

浮雲

寒閨

和人渡水

梁武陵王

昭王辭

范雲

別詩

擬自君之出矣

沈約

襄陽白銅鞮歌

早行逢故人

為憐人有懷不至

施泰榮

詠王昭君

高爽

詠酌酒

吳興妖神贈謝府君覽

江洪

採菱二首

淶水曲二首

秋風二首

詠美人治粧

范靜婦

王昭君嘆二首

映水曲

登樓曲

越城曲

何遜

南苑

閨怨

爲人妾思

詠春風

秋閨怨

吳均

雜句四首

春思

王僧孺

爲徐僕射妓作

徐悱婦劉氏

光宅寺

題甘蕉葉示人

摘同心梔子贈謝娘因附此詩

代陳慶之美人爲詠

夢見故人

有期不至

王環

代西豐侯美人

簫子顯

南征曲

陌上桑 二首

桃花曲

樹中草

春閨怨

詠苑中遊人

劉孝綽

遙見美人採荷

詠小兒採菱

庾肩吾

詠舞曲應令

詠主人少姬應教

詠長信宮中草

石崇金谷妓

王臺卿

蕩婦高樓月

南浦別佳人

陌上桑 四首

劉孝儀

詠織女

詠石蓮

劉孝威

和定襄侯初筭

古體雜意

詠佳麗

江伯瑤

和定襄侯楚越衫

紀少喻

詠殘燈

王叔英妻

暮寒

戴嵩

詠歌眠

蕭麟

詠柏復

何曼才

為徐陵傷妾

玉臺新詠卷十目錄終

玉臺新詠卷十

陳東海徐陵編 明歙方大法校

古絕句

藁砧今何在山上復有山何當大刀頭破鏡飛上天

日暮秋雲陰江水清且深何用通音信蓮花玳瑁簪

菟絲從長風根莖無斷絕無情尚不離有情安可別

南山一樹桂上有雙鴛鴦千年長交頸歡慶不

相忘

與妻李夫人聯句

賈充

室中是阿誰歎息聲正悲賈歎息亦何為但恐

大義虧李大義同膠漆匪石心不移賈人誰不

慮終日月有合離李我心子所達子心我所知

賈若能不食言與君同所宜李

情人碧玉歌

孫綽

碧玉小家女不敢攀貴德感郎千金意慙無傾

城色

碧玉破瓜時郎為情顛倒感君不羞赧迴身就

郎抱

情人桃葉歌

王獻之

桃葉復桃葉渡江不用檝但渡無所苦我自來

迎接

桃葉復桃葉桃樹連桃根相憐兩樂事獨使我

殷勤

荅團扇歌

桃葉

七寶畫團扇粲爛明月光與郎却暄暑相憶莫

相忘

青青林中竹可作白團扇動搖郎玉手因風託

方便

團扇復團扇許持自障面憔悴無復理羞與郎相見

東陽漢中贈荅

謝靈運

可憐誰家婦綠流洗素足明月在雲間迢迢不可得

可憐誰家郎綠流乘素舸但問情若為月就雲中墮

丁督護歌

宋孝武

督護初征時儂亦惡聞許願作石尤風四面斷

行旅

黃河流無極洛陽數千里坎軻戎旅間何由見歡子

擬自君之出矣

許瑤

自君之出矣珠翠闇無精思君如日月迴環晝夜生

詠衲榴枕

端木生河側因病遂成妍朝將雲髻別夜與蛾眉連

閨婦荅隣人

昔如影與形今如胡與越不知行遠近忘却離年月

寄行人

鮑令暉

桂吐兩三枝蘭閣四五葉是時君不歸春風徒笑妾

近代西曲歌 五首

石城樂

生長石城下開門對城樓城中美少年出入見依投

估客樂

有信數寄書無信心相憶莫作瓶落井一去無消息

烏夜啼

歌舞諸年少娉婷無種跡菖蒲花可憐聞名不曾識

襄陽樂

朝發襄陽城暮至大堤宿大堤諸女兒花艷驚郎目

揚叛兒

暫出白門前揚柳可藏烏郎作沉水香儂作博

山爐

近代吳歌 九首

春歌

朝日照北林
初花錦綉色
誰能春不思
獨在機中織

夏歌

鬱蒸仲暑月
長嘯北湖邊
芙蓉始結葉
拋艷未成蓮

秋歌

秋威入窻裡
羅帳起飄颻
仰頭看明月
寄情千

里光

冬歌

淵冰厚三尺
素雪覆千里
我心如松栢
君心復何似

前溪

黃葛結蒙龍
生在洛溪邊
花落隨流去
何見逐流還

上聲歌

新衫繡兩襠
迓著羅裳裏
微步動輕塵
羅裙從風起

歡聞歌

遙遙天無挂流漂萍無根單身如螢火持底報
郎恩

長樂佳

紅羅復斗帳四角垂珠璫玉枕龍鬚席郎眠何
處床

獨曲

柳樹得春風一低復一昂誰能空相憶獨眠度
三陽

近代雜歌 六首

潯陽樂

雞亭故人去九里新人還送一便迎兩無有暫
時閑

青陽歌曲

青荷蓋綠水芙蓉發紅鮮下有並根藕上有同
心蓮

蠶絲歌

春蠶不應老晝夜常懷絲何惜微軀盡纏綿自
有時

雜詩

玉釵色未分衫輕似露腕舉袖欲障羞迴持理
髮亂

丹陽孟珠歌

陽春二三月草與水同色道逢遊冶郎恨不早
相識

錢塘蘇小小歌

妾乘油壁車郎騎青驄馬何處結同心西陵松
栢下

自君之出矣

劉義恭

自君之出矣笥錦廢不開思君如清風曉夜常

徘徊

楊花曲

湯惠休

深堤下生草高城上入雲春人心生思思心長
爲君

別詩

張融

白雲山上盡清風松下歇欲識離人愁孤臺見
明月

少年子

王融

聞有東方騎遙見上頭人待君送客返桂釵當
自陳

陽翟新聲

懷春發下蔡含笑向陽城耻爲飛雉曲好作鷓
雞聲

擬古

花蒂今何在亦是林下生何當垂雙髻團扇雲
間明

自君之出矣

自君之出矣金爐香不燃思君如明燭中宵空
自煎

秋夜

秋夜長復長夜長樂未央舞袖拂明燭歌聲繞
鳳梁

詠火

冰容慙遠鑒水質謝明輝是照相思夕早望行
人歸

玉階怨

謝朓

夕殿下珠簾流螢飛復息長夜縫羅衣思君此
何極

金谷聚

槩椀送佳人玉杯要上客車馬一東西別後思

今夕

王孫遊

綠草漫如絲雜樹紅英發無論君不歸君歸芳已歇

同王主簿有所思

佳期期未歸望望下鳴機徘徊東陌上月出行人稀

春遊

置酒登廣殿開襟望所思春草行已歇何事又佳期

玉階怨

虞炎

紫藤拂花樹黃鳥度青枝思君一歎息苦淚應言垂

思公子

邢邵

綺羅日減帶桃李無顏色思君君未歸君來豈相識

邊戍

梁武帝

秋月出中天遠近無偏異共照一光輝各懷離別思

詠燭

堂中綺羅入席上歌舞兒待我光泛艷爲君照
參差

詠筆

昔聞蘭蕙月獨是桃李年春心倘未寫爲君照
情筵

詠笛

柯亭有竒材含情復抑揚妙聲發玉指龍音響
鳳凰

詠舞

腕弱復低舉身輕由廻縱可謂寫自歡方與心

期共

聯句詩

傾城非人美十載難重逢雖懷軒中意愧無髮
髮容

春歌

階上香入懷庭中花照眼春心一如此情來不
可限

蘭葉始滿池梅花已落枝持此可憐意摘以寄
心知

朱日光素冰黃花映白雪折梅寄佳人共迎陽

春月
花塢蝶雙飛柳堤鳥百舌不見佳人來徒勞心
斷絕

夏歌

江南蓮花開紅光照碧水色同心復同藕異心
無異

閨中花如綉簾上露如珠欲知有所思停織復
踟躕

玉盤着朱李金杯盛白酒雖欲持自親復恐不
其口

含桃落花日黃鳥營飛時君住馬已疲妾去盃
欲饑

秋歌

綉帶合歡結錦衣連理文懷情入夜月含笑出
朝雲

七采紫金柱九華白玉梁但歌雲不去含吐有
餘香

吹漏未可停絃斷更當續俱作雙絲引共奏同
心曲

當信抱梁期莫聽迴風音鏡中兩人髻分明無

兩心外采賦莫離賦風音鏡中兩人響公相無

冬歌

寒閨動黻帳密筵重錦席賣眼拂長袖含咲留
上客

別時鳥啼戶今晨雪滿墀過此君不返但恐綠
鬢衰

果欲結金蘭但看松柏林經霜不墮地歲寒無
異心

一年漏將盡萬里人未歸君志固有在妾軀乃
無依

子夜歌

恃愛如欲進含羞未肯前朱口發艷歌玉指弄
嬌絃

朝日照綺牕光風動紈羅巧笑奮兩犀美目揚
雙蛾

上聲歌

花色過桃杏名稱重金瓊名歌非下里含笑作
上聲

歡聞歌

艷艷金樓女心如玉池蓮持底報郎恩俱期遊

焚天

南有相思木合影復同心遊女不可求誰能息
空陰

團扇歌

手中白團扇淨如秋團月清風任動生嬌香承
意發

碧玉歌

杏梁日始照蕙席歡未極碧玉奉金杯綠酒助
花色

襄陽白銅鞮歌

陌頭征人去閨中女下機含情不能言送別沾
羅衣

草樹非一香花葉百種色寄語故情人知我心
相憶

龍頭紫金鞍翠眊白玉羈照耀雙闕下知是襄
陽兒

雜詠

梁簡文帝

被空眠數覺寒重夜風吹羅幃非海水那得度
前知

行雨

本是巫山來無人覩容色唯有楚王臣曾言夢
相識

梁塵

依帷濛重翠帶日聚輕紅定爲歌聲起非關團
扇風

華月

兔絲生雲夜蛾影出漢時欲傳千里意不照十
年悲

採菱歌

菱花落復含桑女罷新蚕桂棹浮星艇徘徊蓮

葉南

夜夜曲 二首

北斗欄干去夜夜心獨傷月輝橫射枕燈光半
隱床

愁人夜獨傷滅燭卧蘭芳祗恐多情月旋來照
妾房

從頓還城南

暫別兩成疑開簾生舊憶都知未有情更似新
相識

春江曲

客行祇念路相將度江口誰知堤上人拭淚空
握手

新燕

新禽應節歸俱向吹樓飛入簾驚釧響來窓礙
舞衣

彈箏

彈箏北窓下夜響清音愁張高絃易斷心傷曲
不道

夜遣內人還後舟

錦幔扶船列蘭橈拂浪浮去燭猶文水餘香尚

滿舟

詠武陵王左右

頂分如兩髻簪長驗上頭投杯如欲轉疑殘已
復留

有所思

可歎不可思可思不可見餘絃斷瑟柱殘朱染
歌扇

寂寂暮檐響黯黯垂簾色唯有瓠甌苔如見蚺
蛛織

入林看碯礧春至定無賒何時一可見更得似

梅花

遊人

遊戲長楊苑攜手雲臺間歡樂未窮已白日下
西山

贈麗人

腰肢本猶絕眉眼特驚人判自無相比還來有
洛神

遙望

散誕垂紅帔斜柯插玉簪可憐無有比恣許直
千金

愁閨照鏡

別來顛顛久他人怪容色只有匣中鏡還持自
相識

金閨思

遊子久不返妾身當何依日移孤影動羞覩燕
雙飛

自君之別矣不復染膏脂南風送歸鴈聊以寄
相思

浮雲

可憐片雲生暫重復還輕欲使襄王夢應過白

帝城

寒閨

綠葉朝朝黃紅顏日日異譬喻持相比那堪不
愁思

和人渡水

婉婉新上頭湔裙出樂遊帶前結香草鬟邊捍
石榴

昭君辭

梁武陵王紀

塞外無春色邊城有風霜誰堪覽明鏡持許照
紅粧

別詩二首

范雲

洛陽城東西長作經時別昔去雪如花今來花
如雪 擬自君之出矣

自君之出矣羅帳咽秋風思君如蔓草連延不
可窮

襄陽白銅鞮歌

沈約

分首桃林岸送別峴山頭若欲寄音息漢水向
東流

早行逢故人

殘朱猶曖曖餘粉尚霏霏昨宵何處宿今晨拂

露歸

為隣人有懷不至

影逐斜月來香隨遠風入言是定知非欲笑翻
成泣

詠王昭君

施泰榮

垂羅下椒閣舉袖拂胡塵唧唧撫心歎蛾眉誤
殺人

詠酌酒人

高爽

長筵廣末同上客嬌難逼還杯了不顧迴身正
顏色

吳興妖神贈謝府君覽

玉釵空中墮金鈿色行歌獨泣謝春風孤夜傷
明月

採菱

江洪

風生綠葉聚波動紫莖開含花復含實正待佳
人來

白日和清風輕雲雜高樹忽然當此時採菱復
相遇

淶水曲

潺湲復皎潔輕鮮自可悅橫使有情禽照影遂

孤絕對如紫神機自可對對有對會與湯
塵容不忍飾臨池思客歸誰能取淥水無處浣
羅衣

秋風

嬌君憎四時况在秋閨內
妻葉流晚暉虛庭吐
寒采
北牖風摧樹南籬寒蛩吟
庭中無限月思婦夜
鳴砧

詠美人治粧

上車畏不妍顧盼更斜轉
大恨畫眉長猶言顏

色淺

王昭君嘆

范靜婦

早信丹青巧重貨洛陽師
千金買蟬鬢百萬寫
蛾眉

今朝猶漢地明日入胡關
高堂歌吹送遊子夢
中還

映水曲

輕鬢學浮雲雙蛾擬初月
水澄正落釵萍開理
垂髮

登樓曲

憑高川陸近望遠阡陌多相思隔重嶺相憶限
長河

越城曲

別怨悽歌響離啼濕舞衣願假烏栖曲翻從南
向飛

南苑

何遜

死門闢千扇死戶開萬扉樓殿聞珠履竹樹隔
羅衣

閨怨

閨閣行人斷房櫳月影斜誰能北窓下獨對後

園花

爲人妾思

燕戲還簷際花飛落枕前寸心見不見拭淚坐
調絃

詠春風

可聞不可見能重復能輕鏡前飄落粉琴上響
餘聲

秋閨怨

竹葉響南窓月光照東壁誰知夜獨覺枕前雙
淚滴

雜句

吳均

晝蟬已傷念夜露復沾衣昔別曾何道今夕螢光飛

錦腰連枝滴繡領合歡斜夢中誰不見終成亂眼花

蜘蛛簷下掛絡緯井邊啼何曾得見子照鏡窓東西

泣聽離夕歌悲銜別時酒自從今日去當復相思否

春思

雪罷支即青冰開水便綠復聞黃鳥鳴今作相思曲

爲徐僕射妓作

王僧孺

日晚應歸去上客強盤桓稍知王釵重漸見羅襦寒

光宅寺

徐悱婦

長廊欣目送廣殿悅逢迎何當曲房裡幽隱無人聲

題甘蕉葉示人

夕泣似非踈夢啼太真數唯當夜枕知過此無

人覺

摘同心梳子贈謝娘因附此詩

兩葉雖為贈交情永未因同心何處恨梳子最
關人

代陳慶之美人為詠

臨粧欲含涕羞畏家人知還代粉中絮擁淚不
聽垂

夢見故人

覺罷方知恨人心定不同誰能對角枕長夜一
邊空

有期不至

黃昏信使斷銜怨心悽悽迴燈向下榻轉面閣
中啼

代西豐侯美人

王環

於今辭宴語方念泣離違無因從朔鴈一向黃
河飛

南征曲

蕭子顯

權歌來揚女操舟驚越人圖蛟怯水伯照鷁竦
江神

陌上桑二首

日出秦樓明條垂露尚盈蠶飢心自急開奩妝不成

今月開和景處處動春心挂筐須葉蒲息倦重枝陰

桃花曲

但使桃花艷得百美人簪何須論後實怨結子瑕心

樹中草

幸有青袍色聊因翠幄凋雖間珊瑚帶非是合歡條

春閨思

金羈遊俠子綺機離思妾春渡人不歸望花盡成葉

詠苑中遊人

二月春心動遊望桃花初迴身隱日扇却步歛風裾

遙見美人採荷

劉孝綽

菱莖時繞釧掉水或沾粧不辭紅袖濕唯憐綠葉香

詠小兒採菱

採菱非採菜日暮且盈舸踟躕未敢進畏欲比
殘桃

詠舞曲應令

庾肩吾

歌聲臨盡閣舞袖出芳林石城定若遠前溪應
幾深

詠主人少姬應教

故年齊總角今春半上頭那知夫婿好能降使
君留

詠長信宮中草

委翠似知節含芳如有情全由履迹少併欲上

階生

石崇金谷妓

蘭堂上客至綺席清絃撫自作明君辭還教綠
珠舞

蕩婦高樓月

王臺卿

空庭高樓月非復三五圓何須照床裏終是一
人眠

南浦別佳人

歛容送君別一歛無開時只應待相見還將笑
解眉

陌上桑

鬱鬱陌上桑盈盈道傍女送君上河梁拭淚不能語

鬱鬱陌上桑遙遙山下蹊君去戍萬里妾來守空閨

鬱鬱陌上桑皎皎雲間月非無巧笑姿皓齒爲誰發

鬱鬱陌上桑裊裊機頭絲君行亦宜邁今夕是何時

詠織女

劉孝儀

金鈿已照曜白日未蹉跎欲待黃昏後含嬌淺渡河

詠石蓮

蓮名堪百萬石姓重千金不解無情物那得解人心

和定襄侯初笄

劉孝威

合髮仍昔髮畧鬢即前絲從今一梳罷無復更縈時

古體雜意

朝日大風霜寄事是交傷葉落枝柯淨常自起

恭張

詠佳麗

可憐將可念可念直千金唯言有一恨恨不遂
人心

和定襄侯楚越衫

江伯瑤

裁縫在篋笥薰髮帶餘香開著不忍看一見落
千行

詠殘燈

紀少喻

殘燈猶未滅將盡更揚輝唯餘一兩燄纔得解
羅衣

暮寒

王叔英婦

梅花自爛熳百舌早迎春逾寒衣逾薄未肯惜
腰身

詠歌眠

戴嵩

拂枕薰紅帕迴燈復解衣傍邊知夜永不喚定
應歸

詠柏複

蕭麟

的的金絃淨離離寶撮分纖腰非學楚寬帶爲
思君

爲徐陵傷妾

何曼才

遲遲衫掩淚
憫憫恨縈胸
無復專房日
猶望下山逢

玉臺新詠卷十終



